

中華郵政特准掛號認爲新聞紙類  
登記字第三七二二號

第二十六期

七月一日出版

國

醫

正

言

劉嘉琛題



國立北平圖書館藏

# 張捷三同志實業救國運動偉大貢獻 展覽獎狀



介紹請用張君創辦光明汽水純粹國產已有十來年成績此等衛生汽水迭經鐵道部並各展覽會頒給嘉獎並蒙吾國衛生當局化驗純潔外請 各界務望注意此等飲料決非如不澈底之舶來品所能比除歷經 各界飲用信仰且此汽水復經法國賴大夫及米大夫化驗認為純潔衛生佳品並經國醫研究會研究功能開提氣血通肺平肝以及中暑氣窒心中懊懣等症皆有立止之效視此國產之光誠新生活運動聲中挽回利權壓倒舶來之無上飲料也近經張捷三復新發明特上橘汁汽水味美性善而橘性能清痰利氣開胃消食實與普通汽水不同曾經最高衛生化驗機關化驗成績最佳

務望吾國同胞認明國貨衛生汽水飲用勿飲不澈底未經化驗舶來之汽水以免妨碍衛生也

天津光明汽水公司啟

廠址

天津法租界廿三號路  
電話 三三〇五二號

# 國醫正言第二十六期目錄

## 一 文件

致張贊臣先生書……………會覺叟

湖南長沙市國醫公會爲反對衛生署提議管

理中醫呈蔣院長代電

滿南長沙市國醫公會爲反對衛生署提議管

理中醫呈馮副委員長代電

南京市國醫公會爲國民大會代表選舉法之

規定意涉含糊分呈司法院及內政部文

諫陳无咎先生書……………陳澤東

## 二 辨駁欄

長沙衛生報社繼續開始關陳運動之引言

## 三 論壇

醫藥衛生常識(續)……………周蘇甫

## 四 專著

聖方治驗錄(續)……………鄒趾痕

經方實驗錄(續)……………姜佐景

## 五 六

國醫傷寒課義(續)……………陳澤東

傷寒問答(續)……………沈肖卿

傷寒要略(續)……………張蘭亭

食物本草專欄……………王維仁

## 六 雜誌

麻黃湯的研究……………潘柏辰

噎膈症之成因和治療……………邢錫波

鼠疫簡述……………曹韻午

## 七 醫界消息

衛生署長劉瑞恒浮報公款案法院在偵查中

劉瑞恒辭本兼各職蔣院長慰留

劉瑞恒案法院已提起公訴

## 八 專載

中醫衛生設施方案(續)……………陳澤東

## 九 社會義務欄

另有本欄目次

天津日本租界秋山街西頭路北

▲診例詳章▼

# 許從周醫廨

▲函索即寄▼

電話二局一千一百八十九號

每日上午九點至下午二點  
隨診至午九點  
時若六點兩門診  
可急點出診  
到症出診

# 中醫孫鳴山精理內外科

門診一元 午後出診

診所 河東老車站北小郭莊姚家台大街鳴和堂藥舖內

# 趙瑞升大夫 專門 鍼灸

治理瘟疫白喉疔毒兒科每日午前門診午後出診  
急症隨請隨到

寓鼓樓東路北電話五局二七五八

# 中蘇醫室 周蘇甫診例

▲門診上午九時至十二時……號金五角  
▲出診下午二時至七時……診金二元  
▲租界加倍 ▲附診一元  
▲寓本市東門內舊津道七條胡同門牌一號

# 李錫卿 專門 眼科 診例

▲午前門診 祇收號金四角上午八點至十二點

▲午後出診 另有詳章

▲寓北大關爽園澡塘後韓家胡同路北頤善醫社

# 李鴻儀 專門 內科

▲午前九點至十二點門診祇收號金四角▲午後三點至六點出診一元二角租界加倍(上午掛號)

寓河北大街竹竿胡同門牌六十四號

# 文 件

## ▲致張贊臣先生書

曾覺叟

贊臣先生執事，修函待發，適接第一百十一十二兩期月刊，得見无咎陳君致

執事書，謂僕糾正其關六氣說之文爲歪文，爲之一笑，文之先歪必其心之歪也，僕爲本國之文化而爭，無一字不循正軌，若陳君者，以中國人，以中國醫，而助外人以消滅中醫根本之學理，其文固如下氣通，其心且不特歪而且並此歪者而亦失之矣，莊子曰，哀莫大於心死，若陳君者，其心已久死矣，不亦可哀乎，陳君謂其關六氣說之言，顯係對於主張以六氣編制病名一兩個邈邈酥而言，不是將中醫古書上所論氣化概行推翻，如果有推翻氣化意識，則標題當爲關中醫學理上六氣說之妄云云，反覆哉陳君，可謂遁辭而不自知其所窮者矣，亦知所謂氣化，即陰陽六氣之變化乎，亦知今中醫之六氣說，即本於古書六氣之學理乎，古今既無兩六氣，則今醫所說之六氣，自即古書學理上之六氣，古書氣化之學理，不能推翻，則編制病名，不以外感統於六氣而隸屬於何處乎，豈必如陳君以傷寒列入傳染，以暑病列入物理，以遂其移花接木之計，無形中將中醫根本學理消滅，而後不爲邈邈酥乎，陳君既聲言不推翻古書氣化之理，而又以今之同人發揚古書六氣之理爲妄言妄見，子矛盾不必俟他人之攻擊，而遁辭之窮，已昭然爲人所共見矣，陳君既知其以中醫而關六氣之荒謬言

論，爲海內同人所唾罵，則自認其過，尙不失爲知過則改之君子，乃既知其闢六氣說爲海內同人所唾罵而又以標題強辨，試問闢中醫六氣說爲妄言妄見，與闢中醫學理上六氣說之二者有何分別，乃欲以此掩飾其過，以欺海內同人，非甘心賣國，與作同黨者，其能受其欺乎，陳君非由人工之製造而生也，而推翻陰陽爲對待，非不隨寒暑轉移之塊然一死物也，而推翻六氣爲妄言妄見，既知推翻六氣爲海內同人所唾罵，而又反覆其辭，以標題之不同相掩飾，既無醫學之常識，並無自立人格，陳君自墮入離谿，固不足惜，所惜者，中館爲中醫之領袖，今者海內同人方爲中館爭管理權，而中館乃以編審主任，授之推翻中醫根本學理，荒謬最狂妄之人，且爲之登載其推翻中醫根本學理最荒謬最狂妄之文字，未免令人寒心耳，陳君此種瘋犬過市潑婦罵街之態度，縱多方狡辨，亦不過如夏姬之自詡其貞，不值識者一笑，況僕已有不答復陳君理由文字之披露，又有海內同人之公論，更可一笑置之，惟以此種無醫學常識無人格爲海內同人所唾罵之人，而執事既爲之宣傳其推翻中醫根本學理之文字，又以其卑鄙猥瑣之相片，印之 貴社期刊之首，且列之 尊大人及本社諸君子之前，又高標其爲貴社顧問，似有玷 貴報，僕雅敬 執事，與 貴社月刊春秋之名義，不能不爲之掩卷浩歎耳，專此即頌

撰祺

曾覺叟啓五月二十二日

### ▲湖南長沙市國醫公會爲反對衛生署提議管理中醫呈蔣院長代電

國民政府行政院院長蔣鈞鑑，竊昨因 鈞座，提議公布中醫條例，湘省醫藥兩界，全體同人，感激異常，馳電陳謝，度邀 鈞鑑，乃中醫條例之公布會未幾日，忽接京師及各省醫藥界通電，竟有衛

生署提議，以管理中醫權，歸之該署，鈞院所頒中醫條例，等於廢紙之事，此間同人，一閱此電莫不義憤填胸，皆裂髮指，明知鈞座，真誠愛國，且積極恢復民族特性，提倡本國文化國粹，親政之始，即亟亟於中醫條例之公布，斷不致因西醫之強橫要挾，而收回其成命，惟是西醫之勢力，幾可以操縱全國，此次既有此等舉動，亦恐其言僞而辨，或足以淆亂觀聽，特將中醫不能歸衛生署管理之理由，與其利害，爲鈞座剖晰陳之，以國體言，中醫，中國之文化國粹也，既爲中國之文化國粹，以國體言，自應屬之鈞院內政部，以學理言，中醫，氣化之哲學也，西醫，物質之科學也，氣化能可統馭物質，物質不能統馭氣化，以學理言，則應歸之中央國醫館，以上二者，任擇其一，中醫同人，決無不極端服從，惟歸衛生署西醫權力之下，則全國同人，甫離西醫之刀俎，豈能再甘心以供仇敵之割宰，今衛生署之提議未幾日，而國內醫藥兩界之通電反對，已紛至沓來，莫不有劍及履及之勢，湘省同人，對於此事，勢必犧牲其性命，以生死爭存亡，古語云，楚雖三戶，亡秦必楚，即使全國屈伏，吾湘同人亦寧爲玉碎，而恥爲瓦全，況全國同人，豈皆無氣節男子，而肯甘於屈服乎，此中醫之決不能歸衛生署管理者，其利害又如斯矣，張江陵一代救時之賢相也，而其願以身爲草薦，任人之寢處其上，其志願之宏大，毅力之堅卓，尙足令人佩服，鈞座處今之時勢，艱難困苦，百倍江陵，非出以雷霆萬鈞之威力，不足以收渙散而振已死之人心，方今秉政之初，渠等竟敢有此等提議，以隳鈞座之威信，此其心目中，豈尙知有中國，尙知有鈞座，鈞座固萬不能受此等無理之要挾，並望對於此等提議之人，嚴行懲責，以全國體而肅法紀，至於中醫之管理權，或歸之內政部，或歸之中央國醫館，鈞座權衡辦理，全國醫藥同人，均無不極端服從，對

於衛生署管理一層，則誓死不能承認耳，覺叟等爲國體計，爲本國文化國粹計，均不能不披瀝上陳，惟是既爲中國人，講中國學術，操中國職業，縱不敢言用夏制夷，乃於本國，求與外人平等待遇，亦如此不能相容，設中國不能自強，則中國人民，豈尙有立足之地，每念及此，不禁神魂震盪，毛髮豎立，伏望 鈞座本愛國之精誠，救垂死之黃囚，以免我四萬萬同胞，淪爲奴隸牛馬，此則覺叟等之所馨香禱祝者也，湖南長沙市國醫公會執行委員會覺叟王紆青鐘松麟易時傑謝春塘監察委員柳懋誠劉殿英率全體會員同叩齊印

### ▲湖南長沙市國醫公會爲反對衛生署提議管理中醫呈馮副委員長代電

國民政府軍事委員會副會長馮鈞鑾，竊維中醫中藥之在中國，已有五千餘年之歷史，政府社會，皆極信仰，從未有從而訾議之者，自余岩等藉衛生部勢力，以相摧殘，政府尊崇歐化鄙棄國本之諸公，又從而左袒之，衛生部固無中醫立足地，教育部不許中醫加入教育系統，不許中醫設立學校，前行政院汪院長，則竟提議廢止中醫藥，且謂授中醫以行政權，有辱國際體面，爲非中國之福，此數年來，中國之政府，爲西醫操縱把持，以致中國雖尙未亡，中醫藥同人，已等於亡國之奴，含垢忍辱，所處幾非人境，幸而 鈞座入襄軍政，與政府諸公，及海外僑寓諸君子之尊崇國體，主持正義者於五中全會，提議中西醫平等待遇，又得蔣院長一力主張，於是數年來爲西醫所阻止之國醫條例，始得公布，全國中醫藥同人，歡欣鼓舞，如垂死之囚，忽逢赦令，對於此次提議贊成諸公，莫不感激流涕，誓以真誠終始擁護，乃慶祝之舉，纔未幾日，忽接京師及各省醫藥同人通電，驚悉衛生



署，竟有提議中醫，歸其管理，已由政會交立法院審議，此間醫藥同人，一聞此信，莫不義憤填胸，背裂髮指，明知中醫條例，政府已經公佈，斷不能因衛生署之強橫要求，而或有所變更，自隳威信，惟西醫勢力，幾及全國，此次既有如此舉動，亦恐其言僞而辨，或至淆亂觀聽，故不能不將中醫不能歸衛生署管理之理由，及其利害，爲 鈞座剖析陳之，以國體言，中醫爲中國之文化國粹，西醫爲舶來品之學說，以國體之主客言，西醫自應隸屬於中醫之下，以學理言，中醫爲氣化之哲學，西醫僅物質之科學，氣化可以統馭物質，物質不能統馭氣化，論學理之深淺，西醫亦應隸屬於中醫之下，以成績言，中醫自神農黃帝發明以來，經歷代聖哲賢明，研究發揮，固不必人飲上池之水，家傳不老之丹，苟能極深研究，固無不着手成春，有方皆效，以視西醫所特長者爲傷科，其實成績所在，不過多造殘廢無用之人，外科如不根連臟腑者，頗可割治，如根在臟腑，則每多殺人，內科則除數種特效藥可望僥倖外，餘則非原因不明，卽尙待研究而已，以成績優劣而論，西醫更應隸屬於中醫之下，就以上所舉理由而言，西醫皆應隸屬於中醫之下，今雖國勢孱弱，然國尙未亡，此權當操之政府，縱不能以西醫隸屬於中醫，然決不可以中醫隸屬於西醫之下也，則毫無疑義矣，至以利害言之，則關係更大矣，就中西醫而言，久已成爲仇敵之勢，若強使全國數千萬醫藥同人，屈伏於西醫刀俎之下，設有劇烈之反抗，其將何以處之，且不僅此也，中西醫之競爭，從表面觀之，似爲學術職業一部分之競爭，而實則關於中國存亡之大局，何也，中醫爲中國四萬萬人民生命所依託，中藥每年數十萬萬元之出入，爲國家財產之命脈，設一旦歸衛生署管理，經其多方摧殘，中醫勢必消滅，中醫既不能存，中藥亦必隨之而消滅，四萬萬人民之生命，固無所依託，每年數十萬萬

元財產之損失，從何取償，苟至於此，國尙有不亡者乎，種尙有不滅者乎，中醫藥同人，雖爲中醫藥存亡而爭，實則爲大局存亡而爭，以中國人講中國學術，操中國職業，固不敢作主人翁之想也，值中國未亡之時，在本國求與外人平等，尙如此不能相容，設中國不能自強，則中國人尙有立足之地乎，覺叟每念及此，輒不禁神魂震盪，毛髮堅立，古今來志士仁人，所以甘心犧牲其身家性命，而不肯爲亡國奴者，實以是故，西醫雖有中國人，然一爲西醫，則其心已早變，如以覺叟等所言爲門戶之見，則請觀其歷來行事，上自衛生部，下及各省之西醫，有不助外人爲文化經濟之侵略者乎，有不助外人行其滅國之新法者乎，西醫固甘心爲虎作倀，而無可諱言矣，政府此次苟徇衛生署無理之要挾，則尤而效之者，必將曰中國一切主權，不必操之中國人也，吾黨何不可作范瓊天時雍輩，乘時以竊取富貴乎，中國今日之危急，已達極點，所恃者民氣耳，果如是，則異日又安所得忠義之士，以救國家乎，覺叟等故曰中西醫今日之競爭，實關乎國家存亡之大局也，鈞座公忠體國，前注軍敵省時，素爲人民所信仰，此次入襄軍政，對於尊崇國家之體面，保障國家之權力，自必特別注意，伏望對於衛生署，管理中醫之無理要挾，始終主持正義，嚴厲制止，以懲戒中國人之不愛國者，中醫藥幸甚，中國幸甚，臨電惶悚，不知所云，迫切上呈，伏維 鈞鑒，湖南長沙市國醫公會執行委員會覺叟王紆青鍾松麟易時傑謝春塘監察委員柳懋誠劉殿英率全體會員同叩文印

按中醫條例已經頒布，今之最重要問題爲管理權，以國體言，以學理言，衛生權宜操之中醫，西醫應隸屬中醫之下，如衛生權一時不能爭回，不得已而思其次，亦宜同隸內政部，不相統轄，中醫尙有發展之餘地，若以中醫隸屬衛生署，署長仍爲西醫，而於其中分設中西兩部份，則

此後中醫，不特無發展之望，且終必受其摧殘，觀于衛生署以前之待中醫，不可憬然大悟乎，近閱各醫刊同人中，頗有主張于署長之下，分設中西兩部分者，雖亦一時權宜之苦心，而忘日後之大害，故僕及湘中同人抗爭之電，所力爭者即在于此，今特于此電後，鄭重聲明，務望海內同人，爭之于始，以免日後噬臍之悔，否則履霜而不知所警戒，俟堅冰至而始圖之，則已晚矣，況以前之堅冰，其害固已早見乎，深望同人等之注意，毋以僕爲杞人之過憂，則幸甚矣，覺叟附識

## ▲南京市國醫公會爲國民大會代表選舉法之規定意涉含糊分呈司法院及內政部文

呈爲請求解釋國民大會選舉法事竊 代表選舉法附表四關於自由職業團體應選出代表人數之規定醫師內政部蔣部長鈞鑒恭釋國民大會

藥劑師代表名額計八人查我國醫藥職業團體向係中醫西醫各別組織政府自民國十九年五月廿七日公布西醫條例復於本年一月廿二日公布中醫條例雙方亦係分別制定中醫西醫學術及從業狀況本不相同故團體之組織與法令之施行均不得強合爲一理固宜然也至醫名詞於現行法令俱無根據不過沿周禮固有名稱中醫西醫自皆可襲用惟中醫西醫團體既各別設立 在事實上理應請求明白解釋以資遵守不勝迫切待命之至謹呈 司法院 團體之人數爲標準如先統計全國中西醫藥登記實在人數再以八除即可知若干人中應選一人假定中西醫師藥劑師共二萬四千人則每三千人應選一人若中醫師爲九千人則應選出三

人西醫師爲九千人亦應選出三人藥劑師六千人則應選二人倘有奇零似可以四舍五入之例計算一得之愚未敢緘默謹此聲陳伏候採擇臨電不勝迫切待命之至南京市國醫公會叩豔

### ▲諫陳无咎先生書

天津國醫正言社主編陳曾源

无咎先生大人閣下，久未請教，念歉殊深，昨閱上海醫報載有

先生致會君覺叟書，而不禁悚然爲國人危，愴然爲先生惜也，論國醫之歷史不爲不久也，國醫之學識不爲不高也，國醫之功績不爲不深也，其所以致如此盡美盡善之結果者，皆深明氣化正學之力也，又論先生之學識不爲不博也，先生之名望不爲不大也，先生之職責不爲不重也，其所以能得如此優良之立場者，皆素通儒學國醫之效也，乃今見所致會君之書，竟曰此係病名，不是病理，此係草案，不是法規，此等說法，實是強詞奪理，以欺愚蒙之言，豈知病名爲病理之標的，草案爲法規之基礎，病名淆變，則病理歧迷，草案通過，則法規成立，先生竟以不是二字了之，如稍具醫理與社會知識者，決不肯信，先生如一意直前，必欲以機器化之謬說，而糜亂氣化學之正法，則吾黃種人，必致弱亡之危，先生豈不悲乎，溯中央國醫館當成立之初，如先生與施今墨先生，皆任館內要職，吾儕在野之國醫，皆額手稱慶，僉以爲國醫大運亨通，將擺脫西醫之羈維，醫聖之正法，風行全球，爲世界醫矣，無何，施君統一病名草案出，竟以西醫名詞爲主體，國醫名詞爲點綴，經全國國醫，大動公憤，予以推翻，乃先生繼起，以遂施君作俑之私，是何故也，念先生等名震一時，高據國醫上峯，以吾儕之鄙見觀之，國醫負此盛望，即屬難得，倘不肯悔改，仍供西醫之輔助，以倡其機器化之學說，則國醫界之淺學者，必多盲從，而深學者，必多反對，迨社

會知識之士亦覺悟，此等幻術誤人，必致身敗名裂，爲天下恨，豈不可惜，先生等其三思之，如會君覺叟，吳君漢仙，劉君裁吾，陳君應期，鄒君趾痕，梁君長榮，曹君穎甫，以及鄙人，皆操持氣化之正學者也，皆懷衛道保種之公心，絕非黨惡阿附之私忿，况學術競爭，不能如村婦廝打，一味潑罵，不加顧忌，先生此次致會君書，託 貴婢之言，以作罵會君之材料，而並辱及孟子，其實仍出 先生之口，學術係文明事業，不可信口胡罵，尤不可辱及聖賢，自毀師祖，如 先生之行為，與陳獨秀，蔡元培，宋還吾等何異，竟不願冒天下之大不韙乎，且 先生之素學，並非反對氣化者，亦非偏重物質者，大著醫壘，鄙雖未窺全豹，而曾見醫軌一斑，對於內經陰陽五行，五運六氣之說，亦甚推崇，其氣化之闕義，對於西醫物質之說，並不偏重，乃自列入中央國醫館後，統一病名，隱用西醫說，以幻中醫學，並直闢中醫六氣妄言妄見，前後反背，自相矛盾，亦可怪已，竊念，人生天地間，以品節爲生命，品節不堅，則生命絕矣，鄙以老朽腐儒，濫等醫界，無聲無臭，固無足稱，然對於品節，毫不敢苟，敢云富貴不淫，貧賤不移，威武不屈，幸 公莫要見笑，專肅即請暑安並頌 撰祺

天津國醫正言社主編陳會源啓

丁福保 謝利恒 陸淵雷  
祝味菊 朱少鴻 王一亭

### 介紹

名醫江陰曹穎甫先生著

### △金匱發微△傷寒發微

先生爲海內耆宿，詩文書畫，名重當代，醫術宗法張長沙，歷任上海中醫專門學校等教務主任，先生以傷寒論一書，爲千古治病準繩，嘗以數十年研究心得，及歷來治病經驗，闡發精義成傷寒發微一書，學者爭先購訂，現擬在版，先生復以注釋傷寒之法，成金匱發微，刻已出版，無論初學及已行醫者，備此二書，則研究參證，有左右逢源之樂矣。

門人 丁濟萬 王慎軒 陳存仁 許半龍 章成之 校訂  
沈石頑 虞舜臣 王一仁 秦伯未 張贊臣 實價三元若同時購傷寒發微者每部祇收半價國幣二元以示優待另加郵費每部一角三分

上海寶山路頭福里六九號光華醫學書局 上海梅白格路二〇四號醫學書局經售

## 辨駁欄

### ▲長沙衛生報社繼續開始關陳運動之引言

自中館陳无咎氏發表「關中醫六氣之妄言妄見後，本社同人，以陳叛道離經，深致不滿，曾發起「關陳運動」以資糾正，關於該項糾正文字，已迭載本報第八十至八十六各期，不啻將陳氏見解之謬悟，盡行批駁無遺，原陳氏實再無置喙之餘地，故本報亦將關陳文字，暫行停登，以測陳氏之動態，殊陳氏仍執迷不悟，故態復萌，最近又露詞鋒於醫界春秋第一二期之「論壇」及「通訊」中矣，原此等論文，言偽而辨，順非而博，尋章摘句，結舌咬牙，自學識淺陋者讀之，必認陳氏博學多文，令人莫測其高深也，但陳氏文學之如何，姑不具論，而陳氏對於中國醫學實無深刻之認識，此非徒記者之苟言，亦海內多數賢達同人所公認也。且陳氏每次爲文，大多離開真理，不講事實，非「潑婦罵街」之言，即「避實擊虛」之語，有謂陳氏爲「頑笑文學」，「下流文學」，實無辨駁之價值，但本報爲維護國學計，爲矯正視聽計，不得不再與周旋，以符「放淫詎諛」之素志，爰自本期起，繼續發表關於關陳文字，請閱者注意及之，倘海內外同人，仍有意見發表者，仍請投寄本社，藉申公論也。

## 論 壇

### ▲醫藥衛生常識

(續)

周蘇甫

▲服藥之中有荊芥，服後切不可食黃魚，昔人有啖黃魚羹罷，採荊芥和茶而飲，食頃足底奇癢，上徹心肺，跣行沙中，馳走如狂，足皮皆破欲裂，躁煩而死，犯者甚於鈎吻毒。

▲禽獸虫魚之屬，有感沴氣所生，形質變異者，如獸有岐尾，蟹則獨螯，羊一角，鷄四足者，食之皆能殺人。

▲物有形色變異者，如白鳥烏首，烏鷄白首，白馬青驪，青馬白驪，又有形色無異，其肉變怪者，如落地不沾灰塵，經宿肉體尙暖，曝炙不燥，入水自動之類，皆不能食，食之皆能爲害。

▲有一物常食性善，與他物相反，過口而害人者，鮑魚同鹿肉食之殺人。羊肉同鱸酪食之殺人。羊肝得生椒破人臟。猪肉得胡荽爛人臍。又有一物常食性平，與他物相感，入腹成動物者，如鱸生同酥乳食之，變諸虫，鱉肉與莧菜食之，還生鱉。牛肉同猪肉食之，成寸白虫。猪羊肉以桑楮柴煮炙食之，亦成寸白虫。

▲黃蠟炒鷄，人食之，脹悶氣塞，三日可死，無法解救。

▲花瓶水有大毒，誤飲能殺人，無可解救，對小兒切須留意。

▲夏日出汗濕透之衣服，萬不可於烈日中晒之，烈日晒晾，能中暑毒，若晒乾收納，則烈日之毒，即錮於內，如遇酷暑汗出之時，偶一衣之，則暑以引暑，其毒立中，症候與傷寒無異，若誤作寒治，必至發狂譫語，若再誤以參耆桂附，則陽以益陽，未有不口鼻流血而死者。(未完)

# 醫學家張贊臣主編 醫界春秋 是國醫界倡導革新的唯一月刊

出版九年，風行中外，以科學的方法來整理我國固有之醫藥，資望最老，信用最著，以真正的態度來評判中西學說之優劣。

彙訂 第五集 第六集 第七集 第八集 全書四厚册 另送月刊全年一份

本刊始創於民國十五年四月。迄今九載。發行以來。從未脫期與停頓。信用卓著。有口皆碑。且對於歷年之國醫運動事業。(如力爭中醫列入學校系統及反對廢止中醫案參加中央國醫館等)莫不首先奮勵。故久為社會人士所稱道。銷數遂為之日增。回憶昔年第一集彙訂。及第二、三、四、集彙訂等。出版未久。即告售罄。茲因各地同志之需求。特將第五、六、七、八、年之月刊搜集彙訂。分裝成册。共計四集。分列如下。

- 第五集 係集合第四十九期起。至第六十期止。即第五年份所出版者。
- 第六集 係集合第六十一期起。至第七十二期止。即第六年份所出版者。
- 第七集 係集合第七十三期起。至第八十四期止。即第七年份所出版者。
- 第八集 係集合第八十五期起。至第九十六期止。即第八年份所出版者。

以上每集原售實價大洋二元現為優待起見一律再打九折

### 內容學要

：論壇。學說。專著。藥物。研究。討論。筆記。醫案。特載。治療。實用驗方。醫藥雜錄。問答。通訊。醫訊。餘興。附錄。文苑。等欄。  
：凡購買以上彙訂。不論何集。概照原售實價(每集)洋二元。再打九折。郵費奉贈不收。以示優待。

### 發售特價

如能同時合購彙訂四全集者。祇收實價大洋六元四角。另行送閱第九年份月刊全年十二册一份。(自第九十七期起至第一〇八期止)又價值大洋一元之『世界醫報彙訂』二大册。若單購一集者。月刊醫報庶不贈送。合購全書四册者國內須另加郵費六角。國外郵費三元。如單行定閱月刊全年一份者。連郵大洋二元。不折不扣。如此良機。幸勿失之。

### 贈送月刊 全年一份

總發行所 上海白克路西祥中國醫藥書局 康里第七十七號



# 專 著

## ◎聖方治驗錄（續）

四川重慶鄒趾痕撰述

蓋能食則胃氣可復，聖經云，下利後，當便硬，硬則能食者愈，不愈者不屬陽明也，蓋聖經所謂下利，即今之所謂痢疾，聖經蓋謂痢疾者，水邪侮土也，下痢後，當便硬者，水邪衰則土陽復也，便硬則能食者，即土陽復之明據也，今延三病雖不能食，得余方而能食，知其胃氣尙存，故知其有可治之希望也，於是用黃芩湯加參耆以益其經脈之血，用生薑瀉心湯，以解心胸之滿，兼逐腹中之水，用桂枝人參湯，以建立其中氣，計自二十三年五月起，服余方至十一月，總共六個月，病遂護愈，全因溯其病之始終而論之，延三之痢疾，以二十一年六月，每日下痢十餘次，紅白之交雜時，爲第一期，及余着手治療，形銷骨立，胸滿不能食，心煩欲死之時，爲第二期，尙未到三期也，若到三期，恐無治法矣，三期痢疾之病狀，見於聖經，金匱要略曰，六腑氣絕於外者，手足寒，上氣腳縮，五臟氣絕於內者，利不禁下，甚者手足不仁，又曰，下利手足厥冷無脈者，灸之不溫，若脈不過反微喘者死，少陰負跌陽者爲順也，又曰，下痢後，脈絕，手足逆冷，晬時脈還，手足溫者生，脈不還者死，此三節經文，皆言痢疾到三期之死症也，六腑氣絕於外節，言六腑氣絕之死證，與五臟氣絕之死證也，蓋六腑氣絕則手足寒，上氣腳縮者，六腑屬陽，其陽氣外溫手足，若六腑氣絕，則不能外溫手足，故手足寒，其陽氣並而上行，故上氣腳縮也，五臟氣絕，則利不禁下，甚至於手

足不仁者，五臟屬陰，其氣內守精血，若五臟氣絕，則不能內守精血，而痢下不止，五臟無禁止之力也，精血不濡其手足，故手足不仁也，故六腑氣絕，與五臟氣絕，皆痢疾之死證也，下利手足厥冷節，言少陰之生陽，不能潛藏於跌陽之土中，而爲死症也，蓋下痢手足厥冷無脈者，少陰之生陽不升，跌陽之土氣不溫其四肢也，灸之不溫者，用艾火灸其厥冷，以助跌陽之土氣，所以回其溫也，若灸之不溫脈不還，而反微喘者，殘陽上奔，真火下脫，故死也，所以然者，少陰之生陽，當潛藏於跌陽之土中，跌陽之土氣，當溫布於四肢，此乃少陰負跌陽爲順也，若灸之不溫，脈不還反微喘者，此乃跌陽負少陰爲逆也，按少陰者，太谿動脈也，腎之俞也，太谿在足內踝後跟骨上動脈陷中，腎主閉藏，故其脈微細而不顯明，跌陽者，衝陽之動脈也，胃之俞也，經曰，胃之衝陽動於跌中，謂動於脚背之動脈陷中也，此脈在足附上五寸骨間陷中，此胃脈也，胃者土也，土氣灌溉四旁，故胃主灌溉四肢，故其脈常動不休，故少陰之微細，負於跌陽之動躍，是爲順脈，若跌陽反微細，少陰反動躍，水來侮土，是爲逆脈也，下利後脈絕節，言腎氣驟脫，啐時脈不還之死證也，蓋下利後，脈絕手足厥冷者死證也，陰先竭而陽後脫也，雖暫脫未可必死，俟其啐時，俄頃之時，陽氣一周，其脈還，手足回溫者不死，設脈不還，手足不溫者，乃可知其死也，此三節皆論痢疾之死證，知其死機之不可犯，然後知生機之當早籌也，是故痢疾到了三期，誠半生半死之期也。（未完）

## ◎經方實驗錄

（續）

版權固有  
不准轉載江陰曹穎甫先生撰述  
門人瑞安姜佐景編按

小引 吾師曹穎甫先生，號拙巢老人，行年七十矣，用仲景方救世人疾苦者，垂四十餘載，其間大案疊出，閭里奉若神明，顧先生不喜筆而記之，以爲不屑爲也。偶爲之，則又爲諸弟子索以去，於是存稿乃闕如。愚不敏，侍診之輒餘，喜集諸案而珍藏之，其有缺者，復乞師講授，隨時筆錄而補之。更加拙按以伸其義，凡得二百餘則，編爲上下二卷，乃秉師命，顏曰經方實驗錄，蓋所以符其真也。本篇所刊，特其一斑耳。世有同好，相與錯研而教益之，幸甚。先生著有傷寒發微行世，其金匱發微一書方在計畫印刷中。又工詩詞，善畫梅，刊有梅花詩集，門人遍國中，若王一仁、王慎軒、泰伯未，許半龍，章次公，沈石頑諸氏，悉在其列云。編按者謹誌

附言 如有關於本稿或本錄之賜教，請惠寄上海城內果育堂街一四四號姜佐景收爲荷。

曹穎甫曰：予遇貧病之家，病太陽而大便累日不行，亦於方牋必書二方，一爲麻黃湯，一爲承氣湯，令其先服前方，有汗卽服後方，得下，則表裏之病皆愈，昔年治趙庭槐家用之，治繆桂堂亦用之，俱效，餘則不復記憶矣，存此，以爲先解其表，後攻其裏之明證，人號我爲承氣，我却不敢當也，呵呵。

### 大承氣湯證（其二）

若華

忽患頭痛乾嘔，服吳茱萸湯痛益甚，眠則稍輕，坐則滿頭劇痛，咳嗽引腹中痛，按之則益不可忍，身無熱，脈微弱，但惡見火光，口中燥，不類陽明府實證狀，蓋病不專係腸中，而所重在腦，此張隱巷所謂陽明悍熱之氣，循眼系入腦之症也，按即西醫所謂腦膜炎之類，及其身無熱，脈微弱之時，而急下之，所謂釜底抽薪也，若身有大熱，脈大而實，然後論治，晚矣。（附方）

生川軍三錢 芒硝三錢 只實四錢 厚朴一錢

佐景按：若華女士，即吾師之女公子，服本湯後，約三小時卽下，所下非燥矢，蓋水濁也，病乃悉除，無須再診，是時愚按日從師授課，故知之稔。

滿頭劇痛，病所在腦也，一下而愈，病原在腸也，合而言之，所謂上病下取，治求其本也，蓋腸中既燥，胃居其上，聲氣互通，乃亦化熱，胃有神經上通於腦，輾轉相傳，腦神經受熱之薰灼，故發為滿頭劇痛，抑又腸胃燥實者，周身血液亦必隨之化熱，其敷陳血管壁間之諸神經，自受同一之影響，而腦部為全身神經之總匯，源遠流長，所係更鉅，故非特滿頭劇痛，甚且神昏譫語，發狂喜妄，攷之抵當湯證有發狂之象，桃核承氣湯證有如狂之狀，此皆血熱影響於腦神經之明證，故用藥終不離乎硝黃，無非脫胎於承氣湯，深足長思也，然腸熱有易犯腦者，有不易犯腦者，則其人之神經脆弱與否，實為一大主因，要以脆弱者易被犯，如本案所載者是，其理極顯。

曹穎甫曰：陽明證之頭痛，其始則在闕上，甚則滿頭皆痛，不獨承氣湯證有之，即白虎湯證亦有之，陽明腑實證燥氣上衝，多致腦中神經錯亂，而見譫語頭痛，或反在大便之後，無根之毒熱上冒，如大便已頭卓然而痛，可證也，惟腸中有濕熱蘊蒸，其氣易於犯腦，為水氣易於流動，正如湯沸於下，蒸氣已騰於上，不似燥矢之凝結，必待下後而氣乃上衝也，此證但下濁水，即可證明濕熱之蘊蒸陽明，不然目中不了了，無表裏證，大便難，身微熱者，何以法當急下乎？

### 大承氣湯證（其三）

師曰

予嘗治江陰街肉莊吳姓婦，病起已六七日，壯熱頭汗出，脈大，便閉，七日未行，身不發黃，胸不結，腹不脹滿，惟滿頭劇痛，不言語，眼張，瞳神不能瞬，人過其前，亦不能辨，證頗危重，余曰，目中不了了，睛不和，燥熱上衝，此陽明篇三急下證之第一證也，不速治，行見其腦膜爆裂，病不可為矣，於是遂書大承氣湯方與之。

生大黃四錢 只實三錢 川朴一錢 芒硝三錢沖

並囑其家人速煎服之，竟一劑而愈，蓋陽明燥氣上衝顛頂，故頭汗出，滿頭劇痛，神識不清，目不辨人，其勢危在頃刻，今一劑而下，亦如釜底抽薪，瀉其胃熱，胃熱一平，則上衝燥氣，因下

無所繼，隨之俱下，故頭目清明，病遂霍然，非若有宿食積滯，腹脹而痛，壯熱譫語，必經數劑方能奏效，此緩急之所由分，是故無形之氣，與有形之積，宜加辨別，方不致臨診茫然也。（本案係師講授佐景筆錄）（未完）

### ▲國醫傷寒課義

（續）

有著作權  
不准轉載

陳澤東著

又曰，結胸證悉具，煩燥者亦死。

（註）結胸證具煩燥者，是以誤下之故，迫邪入心包也，如正氣未絕者，與以麻桂只朴湯，亦有生者。

又曰，太陽病，脈浮而動數，浮則爲風，數則爲熱，動則爲痛，數則爲虛，頭痛發熱，微盜汗出，而反惡寒者，表未解也，醫反下之，動數變遲，膈內拒痛，胃中空虛，客氣動膈，短氣燥煩，心中懊憹，陽氣內陷，心下因硬，則爲結胸，大陷胸湯主之，若不結胸，但頭汗出，餘處無汗，劑頭而還，小便不利，身必發黃也。

（註）傷寒太陽病初起，其脈浮而動數者，浮爲風，數爲熱，動爲痛，本文已明言之，但風者，係風邪在經，熱者，係邪熱在膈，痛者，頭痛身痛也，盜汗出者，邪在營也，此皆當發汗，而反下之，是誤也，動數之脈變遲，而浮脈不變者，下藥寒胃表邪仍在也，短氣者，誤下氣結也，煩燥者，邪陷入膈也，心中懊憹者，似欲嘔不嘔之狀，陽氣內陷也，心下硬者，是內陷之邪，與胃之陽氣搏結也，是爲實証，故以大陷胸湯下之，如人體弱氣虛者，亦當以麻桂只

朴湯代之，若不結胸，但頭汗出，餘處無汗，劑頸而還者，亦因誤下之故，陰陽阻窒，經絡不通也，以膈內無熱，故不結胸也，小便不利身必發黃者，亦以誤下之故，邪汗不得出，變爲鬱濕也，此證不可下，下則死，本文無方，愚以麻桂只朴加豬苓車前湯主之。

又曰，傷寒六七日，結胸，熱實，脈沉而緊，心下痛，按之石硬者，大陷胸湯主之。

(註) 此條亦表邪未盡，誤下之證也，傷寒六七日，如表邪不解，仍須發汗，今不察其證，而計其日，疑爲表解，遂予下之，故令結胸也，膈熱誤下，則反激作熱，實者胸滿高起而痛，按之硬也，脈沉而緊者，誤下傷中則脈沉，寒邪內結則脈緊，主以大陷胸湯者，破其實結也。

又曰，傷寒十餘日，熱結在裏，復往來寒熱者，與大柴胡湯，但結胸無大熱者，此爲水結在胸脇也，但頭微汗出者，大陷胸湯主之。

(註) 此條之證，祇因十餘日之多，遂至誤下也，往來寒熱者，是以下藥迫邪入少陽之裏也，故與大柴胡湯，以解其半表半裏之結也，若無往來寒熱之邪，祇結胸，有熱不大者，是未出之邪汗，爲水結在胸脇也，頭微汗出者，亦是陰陽阻窒之病，故以大陷胸湯下其結水，而通其阻窒也。

又曰，太陽病，重發汗，而復下之，不大便，五六日，舌上燥而渴，日晡時小有潮熱，從心下至少腹，鞭滿而痛，不可近者，大陷胸湯主之。

(註) 太陽表病已發汗，表邪已解，不可重發汗，重發汗則虛氣上逆，而熱液上升，當此之時，更不可下，而硬折之，硬折則逆氣與上升之熱液搏結，故從心至少腹鞭滿，痛而不可近也，當

第一次發汗後，其表邪已解之時，只須以行氣利水和中法即愈，乃重發其汗，是誤也，因見虛氣逆，熱液升，而又下之，是更誤也，故從鳩尾至腓，皆結軛極痛也，此結在膈膜，不在腸胃，非大黃芒硝直走腸胃者所能及，故用甘遂引硝黃達膈膜油網，而泄其留飲也，舌燥渴日晡小潮熱者，是胃家祇有熱，無結水也，故用大黃芒硝下胃之熱，而兼協甘遂以軟其膈膜之軛也，愚所云之行氣利水和中法，爲枳朴豬苓湯。

又曰，小結胸病，正在心下，按之則痛，脈浮滑者，小陷胸湯主之。

(註) 此誤下熱輕之症也，熱輕故結小，按之則痛，不按則不痛也，脈浮者，表邪未盡也，滑者，有邪汗不出之停水也，此結在胃上口故以括蕪實直降其胃口之結熱，不用甘遂瀉其膈膜油網也，此可見經義門戶清晰，處方法律嚴重也，愚製之麻桂只朴湯亦有效。(未完)

### ▲傷寒問答 (續)

沈肖卿著

咽喉乾燥者，不可發汗。

問曰，咽喉乾燥者，何以不可發汗也。

答曰，咽爲食管，喉爲氣管，又咽爲少陰經所經之處，咽喉乾燥者，爲熱傷其腎陰，腎陰不足也

• 腎陰不足，而有熱者，當急救其陰，切不可與辛溫之麻桂，再發其汗，故曰，不可發汗。

淋家，不可發汗，發汗必便血。

問曰，何謂淋家。

答曰，久淋之人，稱之曰淋家，

問曰，淋家何以不可發汗，發汗必便血也。

答曰，淋爲膀胱熱症，經云，膀胱有熱者，則尿血，亦令淋閉不通，久淋之淋家，膀胱本有熱也，如再服麻桂辛溫之品，以助其熱，則陰絡傷，必便血也，因此，故淋家不可發汗，發汗必便血也。

瘡家，雖身疼痛，不可發汗，發汗則瘳。

問曰，何謂瘡家。

答曰，久患瘡症之人，名之曰瘡家。

問曰，瘡家雖身疼痛，不可發汗，發汗則瘳，何也。

答曰，久患瘡症之人，膿血淋漓，血液本虧，雖感風寒，邪入於筋與經，而有身體疼痛之症者，亦不可以麻黃湯，以發其汗，發汗則血液更虛，不能養筋，則必成爲血虛生風之瘳病也，故曰瘡家不可發汗，發汗則瘳也。

衄家，不可發汗，汗出必額上陷，脉緊急，直視不能眴，不得眠。

問曰，何謂衄家，並何以不可發汗，汗出必額上陷也。

答曰，素有衄病之人，名之曰衄家，衄即鼻孔流血也，太陽陽明兩經，繞額而下，又額爲心所應，又心主血脉，衄雖爲太陽陽明兩經之病，然衄家不但此兩經之血液不足，即心血亦虛也，若復以麻桂辛溫之品發其汗，重傷其心經與太陽陽明兩經營中之氣血，故汗出必額上陷



下也。

問曰，衄家發汗後，何以脉緊急，直視不能胸也。

答曰，心主血脉，衄家血液本虧，若復發汗，以重傷之，則營氣與衛氣聚於心經而相搏，故脉絞而緊急也，又肝藏血，衄家肝陰本不足也，若復發汗以重傷之，則肝陰竭而直視，瞳神屬腎，黑珠屬肝，經云，兩厥陰同氣，乙癸同源，肝陰竭，則腎陰亦虛，故目珠不能胸也，腎陰虛，虛火上犯於心，故不得眠也。

亡血家，不可發汗，發汗則寒慄而振。

問曰，何以亡血家不可發汗，發汗則寒慄而振也。

答曰，亡血家，營氣與血液本不足也，若復發汗以重傷其營血，則衛氣無所附，營衛俱虛，故身必寒慄而振動也。

汗家，重發汗，必恍惚心亂，小便已，陰疼，與禹餘糧丸。

問曰，何謂汗家。

答曰，凡中風之人，自己常時汗出者，謂之汗家。

問曰，重發汗，與更發汗，如何分別也。

答曰，先以某湯發汗，隨後又以原方發其汗者，謂之重發汗，先以某湯發汗，隨後又更改別方，再發其汗者，謂之更發汗。

(未完)

## ▲傷寒要略 (續)

張蘭亭編

### ▲身寒惡熱

傷寒症，惡熱兮，身大寒，反不衣，皮膚髓，要深稽，諸家註，辨分歧，明標本，可指迷，探病理仲聖遺。

(註) 傷寒身寒，惡熱者，乃其人身雖大寒，反惡熱，而不近衣者是也，其身大寒者，乃太陽之本寒在外也，反惡而不近衣者，乃少陰之本熱在內也，此即寒在太陽所主之皮膚，而熱在少陰所主之骨髓也，諸家辨論分歧，不知仲聖示人於標本之中，探索病情之微義，司命者，不可不深明此理也。

### ▲發斑

發斑證，有六原，有時氣，與傷寒，有溫毒，陽毒纏，又內傷，陰症焉，臨症者，形色觀，辨順逆，仔細察。

(註) 發斑之證，其候有六，一曰時氣，二曰傷寒，三曰溫毒，四曰陽毒，五曰內傷寒，六曰陰證，六者皆有發斑之證，其名雖同，而其致病之由各異，其時氣發斑者，乃疫厲之氣，人感受之，初則憎寒壯熱，身體拘急，或嘔逆喘嗽，或胸中煩悶，以及燥臥不安，此皆發斑之候也，此際宜用照法，辨認明晰，先用紙燃燈照看患者面部，胸膈四肢，後背前心，有紅點起者是也，易老曰，凡大紅點，發於皮膚之上者，謂之斑，小紅點行於皮膚不出者，謂之疹，疹輕

而斑重也，其來勢急者，發熱一二日即出，緩者三四日始見，調理之法，必先審其人之強弱，脈之虛實，其斑出未透者，宜用升麻葛根湯主之，其方即升麻三錢，葛根白芍各二錢，甘草一錢，水煎服，藥之分量，亦可量患者年齡大小隨宜而用，但此方本爲斑出不齊所設，若已出齊，慎不可用，如服後其斑仍未出齊者，加紫草茸一錢，胃虛者，加白朮二錢，腹痛者，倍白芍，若斑出火盛，心煩大熱，錯語呻吟不眠，或咽痛者，宜犀角大青湯主之，其方即犀角大青元參升麻黃連黃芩黃柏山梔甘草，隨症加減以清之，若斑初齊之時，切不可妄投寒涼之劑，誤服必至斑毒不得外越，而爲嘔吐喘咳百病蜂起之惡候矣。

二曰傷寒發斑者，乃汗下失宜之誤也，蓋因當汗不汗，當下不下，以致熱毒內蘊於胃，而爲發斑之症也，千金方曰，紅赤者爲胃熱，紫赤者爲熱極，紫黑者爲胃爛也，故赤斑出者死，生赤半，黑斑出者十死一生，其色鮮紅起發者爲順，斑出熱減，手足溫者吉，斑出脈急躁不安手足逆冷者凶，斑出未齊者，宜以升麻葛根湯透之，斑出已齊，不可復發其汗，以免斑爛之虞，斑初齊時，亦不可誤下，恐斑毒內陷之害，倘熱毒內甚，心煩不眠，錯語者，宜黃連解毒湯，加元參升麻大青犀角等品，隨症以清之，若斑勢已退，內實便閉，謔語有潮熱者，宜大柴胡湯加芒硝，或調胃承氣湯以下之，要在隨症而治，庶可轉危爲安也。

三曰溫毒發斑者，活人云，初春之時，人病發斑，其狀咳嗽，煩悶而嘔，蓋以冬時觸冒寒毒，至春始發，初病在表，或已汗下而表證未罷，熱毒未散，因致發斑者，宜用黑膏主之，其方即生地黃四兩，淡豆豉半斤，右二味，以豬脂一斤，合煎至濃汁，入雄黃末五分，麝香一

分，攪勻爲丸，如彈子大，白湯化下，以效爲度，又有冬月溫緩，人感乖戾之氣，冬末卽病，至春復被寒襲，又未得洩，迨至初夏天暖，溫毒始發，其症尤爲險要，宜葛根橘皮湯主之，方即葛根，橘皮，杏仁，知母，黃芩，麻黃，炙草，各半兩，共爲粗末，每五錢，用水一盞半，煎至一盞，去滓溫服，其餘熱未盡者，隨症清之。

四曰陽毒發斑者，其候身熱，狂言，下利咽痛，面赤，斑出如錦紋，初出未齊者，宜升麻葛根湯以透之，出齊熱盛者，宜大青四物湯化斑湯等劑隨症以調之。

五曰內傷寒發斑者，乃因暑月得之，先傷於暑，次食冷物，睡臥納涼，以致內外皆寒，逼其暑熱之火浮游于表，而爲發斑之症也，宜調中湯主之，方即蒼朮陳皮砂仁藿香白芍桔梗半夏白芷羌活只壳各一錢川芎七分麻黃桂枝各五分甘草一錢生薑三片，水二盅煎至一盅，溫服，嘔吐者，加香茹，瀉者加白朮，要在臨症審脈，察形，隨病施方治之可也。

六曰陰症發斑者，乃因其人元氣素弱，或因慾事內損元陽，兼誤服涼藥過多，遂成陰證，以致伏寒於下，逼其無根之火聚于胸中，上薰於肺，其邪由毛竅而出，而爲發斑之症耳，其斑點如蚊虱所咬之痕，宜以大建中湯，培元固本主之，其方即當歸白芍白朮麥冬黃耆肉桂茯苓人參川芎附子半夏熟地茯苓甘草生薑大棗，水煎服，然而亦不可概執一法，以畢其事，要在臨症變通，審其脈之陰陽，辨其虛實寒熱，形色相參，隨宜而治，乃上工矣。（未完）

# 上古天真論詳解

古渝鄒趾痕著

全書一冊定價洋二角

外省加郵費一角

發行所

北平崇內溝沿頭甲三十五號

# 食物本草專欄

## ◎小引◎

編者王維仁

且醫者之宗旨，惟在却人疾病，延人壽命已耳，是以上古聖人，仰觀天之六氣，俯察地之五行，中採草木金石之精液，以合於人之臟腑經絡，而闡發藥品之功用，或以形色定性力，或以氣味辨功能，而統治人五臟六腑之病，非獨藥品如斯，即日用必需飲食之物，亦非僅能充腹果腹，若各隨其性，節而食之，足可却邪以養正，故素問藏氣法時篇，有五穀爲養，五果爲助，五畜爲益，五菜爲充之論，雖然，若悖違其性，偏盛多食，亦足致病，本刊有鑒於此，特闢食物本草一欄，採集日常食品，匯通前賢名論，並附管見，審而註之，聊爲衛生之小助，惟以見聞狹隘，難免罣漏，尙祈海內賢達，時賜教言，是編者之所深企者也。

## ▲果品類

### 桃

味甘微酸而氣熱，內經五果，以桃屬金，爲肺之果，肺病宜食之，孫思邈謂桃實能除咳嗽氣逆，張隱菴則以桃得三月春和之氣而生，其色先青後紫，性秉於木，能去胸脇逆滿，愚按桃實味甘酸，或能疎緩肝氣，即經云，肝苦急，急食甘以緩之者是也，惟不宜多食，多食令人腹脹而痛，金匱亦曾謂桃子多食令人熱，仍不得入水浴，令人病淋瀝熱病，以上所述，是皆所宜戒者也。

## 杏

味甘酸而瀉氣熱，微有小毒，其性屬火，爲心之果，胸無積熱者宜之，但助熱生痰，不能益人，種類頗多，如黃而圓者名金杏，扁而青黃者名木杏，其外有山杏，白杏，沙杏，梅杏，及柰杏等，凡杏皆熱，生食多則損牙齒，傷筋骨，小兒尤不宜食，多食常食，則生痰熱，發瘡瘍，甚則能致驚癇，此正所謂五味太過，則有增勝之憂也。

## 李

味苦甘而酸，氣溫無毒，爲肝之果，肝病宜食之，郁李仁及根白皮，皆能治肝病者，亦因其性與實相近故也，然食時亦應檢點，若其味苦瀉者有毒，不可食，又不可合雀肉同食，合蜜食之能損人五臟，尤忌與飲食雜進，能令人發霍亂吐瀉，注意衛生者不可不知也。

## 櫻桃

味甘微酸，氣熱，有小毒，色赤而頂銳，春花夏實，心之果也，李唐時代，每至入夏之時，櫻桃正熟之際，御果園中貢獻於大內，皇帝以之薦祭社稷宗廟，祭畢徹出，以分賜百官，及嬪妃娥寺，故唐時頗貴尙之，然多食生內熱，目眩頭昏，忌與葱蒜蘆葦薤胡椒蜀椒同食，犯之則口鼻出血而死，亦不可與牛羊豬肉，及鷄鴨子龜髓肉同食，犯之令人腹脹死，如誤犯者，以菉豆黑豆金銀花板榔各三錢煎湯飲之可解。

(未完)

# 雜誌

## ▲麻黃湯的研究

潘柏辰

麻黃湯是：

「麻黃去節三兩，杏仁七十枚去皮尖，桂枝二兩，甘草一兩炙，右四味，以水九升，先煮麻黃，減二升去上沫，內諸藥煮，取二升半去滓，溫服八合，覆取微似汗。」

師論上表牠主治，「太陽病，頭痛發熱，身疼腰痛，骨節疼痛，惡風無汗而喘者。」要明瞭這條治例的大意，當先知道這條治例之前，還有兩節，挪來併作一系讀，庶幾才摸着頭緒，那兩節是：

(一) 太陽之爲病，脈浮，頭項強痛而惡寒。

(二) 太陽病，或已發熱，或未發熱，必惡寒，體痛嘔逆，脈陰陽俱緊者，名曰傷寒。

以第一節說，是啓示「太陽」總綱，以第二節說，是啓示「傷寒」總綱，可見麻黃湯就在這「太陽傷寒」之下產生的。

不過這傷寒的來由，往往令人思索不得，同是血肉生成的人，同是爹媽的兒子，怎麼冒着風寒——或云天行戾氣——有人會發病，有人不會發病，這裏面，不是很值得我們討論麼？如照新醫們說「病傷寒者，染着桿菌，不染着桿菌者，不病傷寒」這種學說，我也不敢非難，因爲病傷寒者發現桿菌，是事實的，不是理想，只有句話，這桿菌是由身外襲進麼？抑是自體內產生？新醫們既認

爲傳染，就是認爲外襲，止有這一點，却與我們的認識有些不同，我們的認識，就是從麻黃湯研究出來的。

麻黃湯，可算是桂枝甘草湯與麻黃杏仁散複合而成的，麻黃杏仁散，外臺作者根據古今錄驗表牠治「上氣」又其下有小註云，深師用療「上氣兼欬」即此一端，便可瞧出牠的對象，近於肺脹，師論上說，「肺脹者欬而上氣，然則麻黃杏仁散的主要條件，也許在「喘」「滿」吧，再來考究桂枝甘草湯，師論上表牠治「發汗過多，其人又手自冒心——心下悸欲得按者」單照又手自冒心說，便知道是表示「衝」「急」的狀態，而心下悸欲得按者，顯然是注家語，決非作者，當日臨床實驗談，因爲又手自冒心的病者，恒心下痛欲得按，況且桂枝一物，肘後用他治「卒心痛」千金小半夏湯之下曾說過「若心中急，及心痛，內桂枝四兩」可是桂枝長於治心下痛，是事實吧，如果認爲心下悸，那便需加牡蠣或茯苓了，所以我相信藥徵作者表桂枝主治「上衝」表甘草主治「急迫」似不如用「上衝急迫」做桂枝甘草湯的定義，這麼，麻黃湯更可以說牠治「上衝急迫胸滿而喘者」。

惟是，病人爲什麼緣由會發生「上衝」呢？這個問題，不容我們不有想當的解答，我記得師論上曾有這麼兩句「結寒微動，腎氣上衝」可見上衝，是由下腹結寒發動，下腹本來是元氣所存的地方，有了結寒，便與其人生命有莫大的關係，內經上不是說過，「衛氣出下膻」其實，出於下膻的衛氣卽元氣，或稱元陽，從下腹上行（至胸中名宗氣）布敷於體表，乃爲衛氣，一曰衛陽，今下腹既有結寒，則其元陽早行衰微，更從那裏能够布敷體表，得盡牠衛外的職務呢？

（未完）



## ▲噎膈症之成因和治療

馬廠邢錫波

縱觀我國數千年醫籍，於噎膈一症，多委爲不治，雖先賢有所發明，類皆憑空立論，而無實驗之結果，若朱丹溪謂爲胃腕枯槁，薛立齋謂爲怫鬱傷肝，觀其立言，鑿鑿近理，而按法施治，功效毫無，是以後之醫者，於噎膈一症，望影生畏，莫敢着手，厥後吳鞠通出，謂爲陰衰於下，陽結於上，徐洄溪謂爲頑痰瘀血，迨後王清任直謂爲瘀血，聚訟紛紛，莫衷一是，致使後之學者，望洋興嘆，無所適從，迨僕臨症體驗以來，方稔前賢論症，各有獨造，特其立方審慎，藥力棉薄，未能與病機息息相昭合，所以照方服食不易收功，今綜先賢論症，及僕多年實驗之方劑，與治療之結果，彙爲一編，以供醫界之郢政，茲將噎膈一症，分爲虛實兩途論治，謹列於左：

(一) 噎膈之關於虛者：虛症以胃腕枯槁，賁門斂縮而成，推厥成因，良由情志怫鬱所致，夫怫鬱則傷肝，肝性條達，傷則失其條達之性不能分泌胆汁，助脾胃以消食，則脾胃衰弱，脾爲中州之官，司承上輸下之令，若肝木失調，則累及脾胃升降之職，胃即改其息息下行之常，而反衝逆於上，兼之衝脉麗於陽明，胃病必及於衝脉，衝動則厥氣上逆，更加胃逆，相挾作勢，乘虛上干，將胃囊含蓄之津液，衝逆湧騰，由口鼻嘔出，而爲黏涎，夫人之胃中，疊積如膏脂者，謂之胃陰，胃陰之用，上籍以吸引食物，下籍以輸運糟粕，中可以涵潤胃囊，今胃液以嘔逆而出，胃囊無所涵潤撐懸，而賁門勢必斂縮，再爲湧迫之痰涎壅闔，焉能受食物而下達乎？此薛立齋所謂怫鬱傷肝，丹溪所謂胃腕枯槁而成膈者也。

或有怒鬱日久，肝氣橫恣，或嗜酒中虛，土衰不旺，木侮土則下泄傷陰，嗜酒則中虛熱鬱，皆足以暗吸真陰，真陰虧損，則孤陽獨盛，陰陽之氣原相維繫，若陰虧不能維陽，則陽自陽，不能下行以濟陰，是陰陽不相和協也，若值陰陽不暢之機，再遇憂鬱思慮恚怒等事，拂逆情志，則在上有餘之陽，結而不伸，即成吳鞠通所謂陰衰於下，陽結於上之病因也，陽結於上，不能下行以濟陰，則胃氣因之失降，衝氣因之上干，此又噎膈之成因者一也。

故張石頑謂此症爲衝氣上逆，誠爲千古灼見，僕於臨症，每於膈症，關於虛者之治法，輒師石頑老人之意，合大半夏湯覆花代赭湯二方加減，重用鎮衝養陰之藥，體驗以來，莫不隨手奏效，應如桴鼓，茲特錄之如左：

野黨參五錢

清半夏四錢

旋覆花二錢

代赭石一兩，淮山藥四錢

當歸身三錢

天門冬四錢

蜂蜜一兩

（方劑詮解）此證以中氣不足，胃陰枯散，故主以大補中氣，大滋陰液之人參，使中氣充足，可以撐懸賁門，津液富饒，則胃腕之枯槁有所涵潤，恐人參之力有所不濟，復以當歸天冬之黏膩多液者以濟之，赭石體重質純，上可制人參之升越，下可鎮衝氣之湧騰，半夏覆花既善於理痰，尤擅於降逆，山藥之性，取其質之黏膩，可以滋陰潤枯，取其味澁，可以緩逆斂衝，蜂蜜所以防半夏之燥，兼可通便潤腸，以患此証者多腸燥便難故也。（未完）

## ▲鼠疫簡述

明州曹韻午

鼠疫英譯名陪斯忒，日譯名百斯篤，中名惡核，核疫，黑死病，陰陽毒諸稱，此病泰西於西歷一八九四年發現鼠疫桿菌，遂有此病名，而我國漢唐之時，早已文明規定，惟其名非鼠疫耳，按鼠疫之名，因此疫發生鼠先感受故也，此症初起，微感頭痛目眩，怠倦欲睡，繼則發熱惡寒，咽乾口燥，喉腫脹痛，氣促胸悶，當時淋巴線腫大如核狀，或頸項，或腋窩，或胯內諸部，甚則發熱不惡寒，面赤煩燥，嚙語發狂等狀，其核初感腫脹，繼則疼痛潰爛而致命，此即惡核病，一名核疫是也，西名線炎性鼠疫，若上症淋巴線不結核者，則散佈於肌膚之中，全身皮上發現一種水泡，初現青色，繼則赤紫，化膿潰瘍，此即膿泡瘡是也，西名皮膚性鼠疫，若結核不潰，則毒邪入肺，呼吸隨之困難，身熱口渴，咳嗽痰血，甚則唇焦舌裂，氣喘不臥，嘔吐膿血，下利穢濁而死，此即肺藏結是也，西名肺炎性鼠疫，若邪不入肺臟，而侵於面部，則面紅腫脹，兩目暴赤，甚則流膿，此即膿毒眼是也，西名眼炎性鼠疫，若毒邪竄入血分，則神志不清，壯熱面赤，咽痛唾膿血，或面青身痛，咽腫周身紫斑，甚則全身發黑而死，故名黑死病，又名陰陽毒，西名敗血性鼠疫，由此可知惡核病，即線炎性鼠疫，膿泡瘡，即皮膚性鼠疫，肺藏結，即肺性炎鼠疫，膿毒眼，即眼性炎鼠疫，黑死病，即敗血性鼠疫，故知中醫無鼠疫病誤矣，又云鼠疫病始於西歷一八九四年，至清時由歐洲傳入我國，始有此病，更屬無稽，查我國醫術，漢仲景論中已有陰陽毒，肺藏結等病，唐孫思邈方中詳論惡核病症狀，故知對於鼠疫一病，我國於數千年前早已發明可證，其治法，惡核病以解毒活血湯爲主，肺藏結以葦莖湯爲主，黑死病以升麻龍甲湯爲主，膿泡瘡以解毒瀉心湯爲主，膿毒眼以止痛沒藥散爲主，列方於左：

解毒活血湯方

連翹實五錢 粉葛根四錢 紅柴胡五錢 當歸尾三錢 大生地六錢

赤芍藥三錢 桃仁泥六錢 杜紅花二錢 炒只壳三錢 生甘草二錢

右十味，以水五盃，煮取二盃，日再服。

葦莖湯方

蘆葦根五錢 薏苡仁一兩 桃仁泥五錢 冬瓜仁八錢

右四味，以水四盃，煮取二盃，日再服。

升麻鼈甲湯方

升麻三錢蜜炙 蜀椒一錢去汗 雄黃三錢水飛 甘草二錢生用 當歸三錢全用 鼈甲四錢炒黃

右六味，以水四盃，先入鼈甲，煮取三盃，納餘藥再煮取二盃，日再服。

解毒瀉心湯方

川黃連二錢 北防風一錢 荊芥穗一錢 生梔子三錢 青子芩三錢 牛蒡子三錢 飛滑石三錢

黑元參四錢 肥知母二錢 生石膏五錢 川木通一錢 生草稍一錢

右十二味，以水五盃，煮取二盃，日再服。

止痛沒藥散方

沒藥三錢 血竭三錢 朴硝三錢 大黃三錢生 石決明三錢煨

右五味，研為散末，每服一茶匙，開水吞下，日再服。

西法醫治鼠疫無特效藥，抗毒用注射鼠疫血清，預防用注射鼠疫苗漿，將患者完全隔離，嚴密消毒，必要時若心臟衰弱，用強心劑以激其心，熱度過高，用冰罨法以退其熱。

## 醫界消息

### ▲衛生署長劉瑞恒浮報公款案

法院正在偵查中

南京通訊，衛生署兼中央醫院院長劉瑞恒，浮報公款案，首都法院開始偵查後，已由檢查官四次赴衛生署及中央醫院調查帳目，並嚴密清查單據，並連開偵查庭兩次，將衛生署及中央醫院會計庶務人員均傳案偵查，據衛生署解釋，關於署長公館房租電燈電話費部分，係出自辦理庶務人員之疏忽，以爲各部長官，皆有官舍之設置，以爲衛生署亦可採取同樣辦法，經審計部查明後，業由劉瑞恒將款項補出，至於中央醫院建築，胡文虎祇捐三十五萬元，而全部建築設備費，共達一百餘萬，均有帳目可稽，並非浮報，至於衛生署關連機關，如衛生實驗處，軍醫監部，中央醫院，中央護士學校之儀器醫藥器械挪用，亦有帳目可查，並非一物數次轉售，但法院方面所得之証據則甚多，並附有證據照片多種，與衛生署所發表之情形，均不甚符合，某要人亦極震怒，各方均注視此案前途之發展，劉瑞恒表示個人決聽候法院秉公辦理，外傳已挽某某兩部長代爲活動非事實，俟茲案水落石出後，再請處分，又二日行政院會議時，劉瑞恒對浮報案，曾有申述自院長以下，未有任何表示，中央護士學校，方在建築新屋中，法院對建築費及預算，亦附帶偵查云。

### ▲劉瑞恒辭本兼各職

蔣院長慰留

南京通訊，衛生署長劉瑞恒，態度消極，已向政院呈辭本兼各職，經蔣院長慰留，仍未打消辭意，繼任人選未悉云，

### ▲劉瑞恒案之又一消息

法院已提起公訴

南京中央社電，首都地檢院檢查處對於衛生署中央醫院侵占公款案，經檢查官迭次開庭偵查，傳訊被告陶世傑，張鴻緒，吳康年，劉瑞恒亦被傳到案，劉對犯罪嫌疑曾用書面辯明，據偵查結果，檢查官認為有侵占嫌疑，乃依刑法五六條三三六條二一二條之罪提起公訴，現本案關係卷宗已送首都地院，法院接到上訴書後，正派推事從事審查中，惟在公審前，法院尚須依法從事準備程序，而當事人對推事之處分，尙得聲明異議，俟調查證據完畢後，即可指定日期公審，至起訴書以本案關係重大，須俟案情明瞭後發表云。

### 本刊第二十五期刊誤

第二十二頁十二行十八字「乃」應作「仍」  
第四十三頁十六行二十一字「柴」應作「紫」

第四十三頁十行八字及十三行十三字「警」應作「警」

專載

▲中醫衛生設施方案 (續)

天津市中醫公會陳澤東擬以應中央國醫館之徵集

秦芫溫元湯方

秦芫<sup>三錢</sup> 麻黃<sup>三錢</sup> 葛根<sup>二錢</sup> 柴胡<sup>錢半</sup> 芎藭<sup>八分</sup> 青皮<sup>錢半</sup> 山甲<sup>三錢</sup> 皂刺<sup>三錢</sup>  
附子<sup>五錢</sup> 桂枝<sup>二錢</sup> 只實<sup>一錢</sup> 紫朴<sup>二錢</sup> 芥子<sup>二錢</sup> 萊菔<sup>二錢</sup> 廣皮<sup>二錢</sup> 蕪蛇<sup>三錢</sup>  
右十六味，水三盅，煎一大盅，服法禁忌同前。(蕪蛇小者可用一條大者即用三錢)

三生飲方

生川烏五錢 生附子五錢 生南星三錢 廣木香錢 人參五錢 紫朴二錢  
右六味，水四大盅，煎一大盅，待微溫服之，服後如嘔嘔欲吐，即以鵝翎或鷄翎蘸生桐油探吐之，取出頑痰可甦(如不欲吐則勿用)甦後用秦芫溫元湯減半劑服，如得黏汗勿再服，待精神稍清，稍思飲食，仍與三生飲原方減半劑服之，如手足不遂，舌卷不能言，則依秦芫湯原方原劑加遼細辛一錢，再用黃芪湯以助其正氣，按此數方，前後斟酌，輪換服之，亦有愈者。

黃芪湯方

生箭莖或北口莖四兩 秦當歸兩 熟附子四錢 紫厚朴二錢 青皮錢五 白花蛇大者三錢

製山甲三錢 右七味，水三大盞，砂鍋內煎一大盞，乘熱服，如得冷汗可按原方原劑再作服，

仍可間與秦芫溫元湯服之，其劑量輕重，酌與可也。

開關散方

明蟬酥 牙皂角 遼細辛各一錢 台麝香一分 國產冰片五厘 生附子五錢 紫厚朴三錢

眞明雄錢五 共研極細末，磁餅收貯，鎔臘封口，聽用。

(二) 傷寒

傷寒之病，惟醫聖張仲景先生之法，爲最周密，果能將其傷寒論，深思細繹，融匯貫通，不但傷寒能治，凡病皆能治，會源 註解之傷寒課義，皆從經驗而來，已散載於國醫正言報中，可爲蒼海一粟之助，惟三陰三陽之正病已經註全，而其餘之雜病尙未註全耳，待全部出版，再爲呈閱可也。

(三) 時疫

時疫之病，乃天地五行之氣，交錯所鍾，寒熱之戾氣皆有，不可專視爲熱也，近世之時疫溫病，涼藥尤不可用，此極當注意者也，如前人劉守眞吳又可郭右陶劉松峯，諸君之著述，以治火疫則可，以治寒疫則殺人如反掌，然究其眞法，亦非短篇學說所能罄，茲略舉其要者數條，聊盡棉薄之義已耳。  
(未完)

湖南國醫學會會辦：**長沙衛生社**：擴大組織徵求基本社員

- ▲充當本社員有五種利益：(一)優美證書。(二)贈閱刊物。(三)通函研究。(四)銀質徽章。
- (五)銀質獎屏。(尙有其餘優待不及備錄) ●詳細辦法及入社志願書只以郵片通知即寄●

歡迎各界加入

社址：湖南長沙新安巷一號



# 社會義務欄

編者 志學

第十八號

灌輸醫學常識，公開經驗良方  
担任醫藥顧問，解答疑難問題  
救濟赤貧疾病，組織義務施診  
介紹特效藥品，供給醫界新聞

本欄介紹溫氏四種良藥  
驗方(婦女病)  
醫藥問答  
次目  
代郵

## ◎介紹溫氏四種良藥◎

霑化溫悅堂先生，湛深醫術，名滿齊魯，濟世活人，遐邇同欽，前次編者赴濟，曾得溫氏四種靈藥，見其方法簡便，效驗卓著，殊堪珍貴，茲值夏暑，時症叢生，趕即披露於此，以供社會諸君留意焉。

編者附識

連年夏秋之季，時氣不正，染患者多寒苦之家，無力醫藥，若能預製敬送，濟人之急，德莫大焉，萬勿以價廉忽之，又孕婦產生之時，或遇難產，或因用力過早，以致橫生逆產，非預為製藥，無以保全生命，既生之後，小兒驚風，又所難免，故每年春季，預為製就靈藥四種，用款無多，活人無算，仁者必樂為之。

### 溫氏靈丹

專治夏秋之季，各種危症，或嘔吐瀉泄，霍亂轉筋，肚腹疼痛，上白麵若干，以姜汁調和晒乾研細，再以木香汁調和(約白麵四兩木香一兩)晒乾研極細，每服二錢，開水調服，病急則涼水

### 立效飲

治諸般惡痢，或赤或白，或膿血相雜，裏急後重，臍腹絞痛，或下五色，或如魚腦，日夜無度，或禁口不食，諸藥不效者，悉能治之，不問老幼，虛弱，產婦，皆可服之。

川當歸四兩 炒甘草二兩 赤芍藥一兩 酸榴皮一兩 炒地榆一兩 罌粟殼四兩炒黃

神應丹 共研細末每服二錢水一杯煎至七分去渣空心飯前溫服小兒酌量大小加減服之忌生冷油膩魚腥

專治橫生逆產，又能催生。

百草霜 香白芷 各等分共研細末每服二錢童便好醋調勻再用開水沖服服一次即生產重者二服

天全散 專治小兒急慢驚風

天南星一個 全蝎一個 共研細末每用少許以父母津唾調成稀膏塗於臆上（俗稱頭信子）移時驚止不用再塗否則再塗一二次無不神驗。

### ◎驗方◎

#### 婦女病驗方輯要（續）

編者

#### 產後門

- 一，兒出即暈迷不語，急用銀針刺眉心，得血即生，再為服藥。
- 一，產後脬墜，黃連狗脊五倍子澤蘭枯礬各一兩為末，煎湯洗，乘熱輕輕托入。

一，產後子宮墜，先用淡竹根煎湯洗淨，次用五倍子青礬爲末，糝，  
 一，產後舌出不收，丹砂敷之，暗擲盆碎，墮地作聲，驚之自收  
 一，產門不閉，石灰炒熱，焯湯薰，  
 一，產後陰脫，以溫水洗軟，用雄鼠糞燒烟薰之，又方，硫黃海螵蛸各五錢，五倍子二錢，研敷，  
 一，產後驚風，遍身發腫，惡露不行，糞坑內陳年磚一塊，活水洗淨，眞陳酒五斛放鉢內，栗炭火將磚燒透，浸酒內，提出復燒，如此三遍，其酒不過二斛，候溫，令產母服一二盃，不飲酒用天泉亦可。（未完）

## ◎醫藥問答◎

石家莊蘇鏡海君問：敬啓者，內子經血不調，前蒙 賜函並附方，銘感無既，遵即照服三劑，頗見功效，當即續服五劑，至上月經血來時，腹痛未作，血塊亦滅，惟兩肋仍有時脹，胃口不開，飲食不甚多，敢乞 先生費神再賜一方，以期全愈，不勝感禱之至，專此敬請 志學大主筆先生撰安

編者答：函悉 尊夫人之症，服前方已獲效，是氣血鬱滯漸舒也，其兩脇仍脹，胃納不強，是病後脾虛氣弱之故也，茲改擬一方，可再服二三劑，當能日漸復原矣。 附方

大當歸三錢 酒杭芍二錢 土炒白朮二錢 炒薏米三錢 白扁豆二錢 雲茯苓三錢 潞黨參三錢  
 建蓮肉三錢 益智仁錢五 炒只壳錢五 廣砂仁一錢 建陳皮錢五 煨姜二片

以上各味，水煎濃服，禁忌一如前函所述，茲不贅。

秦皇島班若夢君問：逕啓者，前接到定報收條一紙，附言囑如問病可附郵票五分即答捧閱之下無任感荷之至，茲有數事請教祈抽暇示答爲盼，（一）做親年已七十，子宮生瘤以後，驗係漏血，（二）杭州紅療醫院，能治萬病，究竟有效否？（三）益母草一兩，當歸四兩，川芎四兩，白芍四兩，廣木香一兩，以上五味爲丸，每丸三錢，專治產後諸病，再者，記得早年（約民元）天津北門臉設有醫藥研究會，每日施診內外兩科，憶有韓樂三先生專門外科，楊曉齋先生專門內科，共有名醫十餘位，不只民衆方便，而活人無數矣，茲試問津中專門外科而醫道精者，祈指示爲荷，此頌道祺

班若夢拜上

澤東答：逕覆者，大函已悉，所云天津昔年之醫藥研究會一節，民二年正月被袁世凱兵所焚，該會自散，而其人已皆故去，至刻下天津之中醫，凡有資望者，皆在敝會與中醫公會中，中醫公會亦僕等所創辦也，至外科中醫，惟張樹翰張竹泉兩人，經驗頗深，可稱高手，他人則未之知也，此覆即頌道祺 附將所問三條附答於後

（一）婦人至天癸斷絕以後，絕無子宮瘤病，但漏血有兩種，一爲氣衝，一爲閃跌傷，如係氣衝，當用二附飲，如係閃跌傷，當用七厘散，以熱黃酒送下（二）杭州紅療醫院，不知此名，蓋係大言欺人之輩也（三）益母草消陰，白芍藥斂陰，產後不可用（附二附飲方）

香附 錢半 酒浸去毛

附子 三錢

歸身 錢半

草菓 八分

肉桂 錢半

只實 錢

紫朴 錢半

右七味，水煎服，如係血運，依本方去附子加蘗本蘇葉葛根各錢半，水煎服，發汗，忌腥冷食物怒氣房事，

◎代郵◎

本市于尙志先生鑒，來函誦悉，承詢各節，關於西醫名詞解釋，非本欄範圍所關，恕不具覆，尙希鑒諒是幸

編者

書 價 售 見 學 及 為 本  
醫 特 發 起 醫 普 會

**審查徵集驗方**

共四集第一集係山西孟縣名醫郭效古先生一生經驗之秘方特選三角第二集係村政處派員在各縣徵集之驗方特選五角第三集第四集係本會派員在各縣以重金收買之特效良方每集特價八角同時合購四集者特價大洋二元四角郵力外加

**中國傳染病學**

全書上下兩卷共列二十四種傳染病特價一元二角郵力外加

**中國時令病學**

本書對於傷寒溫病對於時令病之分析對於病之傳染無不詳格病之界限凡四時病之症參用科學細列為說學方已訂正三明明刻已訂正三版全書一冊實加價五角郵力外

**中國婦科病學**

本書為中西合參之巨著內容共分三篇第一篇經病第二篇胎產病第三篇後病凡婦科各病逐層剖析極精詳證候診治法處方皆有精深之經驗皆有家手此一編足供按圖索驥之需要定價一元特價八角郵力外加

**醫學雜誌**

現出至第八期自第五期至第十期每五期一十元特價一元郵力外

▲售書地址：山西太原市新民中正街中醫改進研究會 廿五年四月印

**本刊發售彙訂本啓事**

敬啓者 敝刊自創辦以來徵聘國內醫名宿投稿協助作品一出燦若星辰是以醫界學界商界注重衛生之家極端歡迎內分文件辨駁論壇專著雜誌時症急救實驗瑣聞社會義務等專欄凡古今中西醫理之精粹及治療大症方法效驗之神速有庸俗所不及者凡吾同胞不可不置一編藉以自衛今將以前之刊物由第一期至第十二期彙訂厚冊減價出售以優待閱者原定價每十二册大洋三元今按八扣合計每一彙册售大洋二元四角不取郵票郵力在內特啓

國醫正言

第二十六期

介刊紹物

四一

國醫正言定閱單

戶名	地址	期數	書費	日期
		自第 期起至第 期止計 份	計洋 元 角 分	中華民國 年 月 日 定

定閱處 天津東門內文學東  
 箭道國醫研究會內  
 定閱者 請將此單剪下填  
 齊附款寄交本刊

定價報目表			
郵費在內不另取資報資先惠不收郵票	全年十二冊	半年六冊	零售每冊
	二元	一元一角	二角
	三元	一元六角	三角
	五元五角	二元九角	五角
			冊數
			國內
			香港及南洋
			歐美

廣告價目表			
木報對於國產飲料食品廣告價目格外從廉 此表係一期價目登三期以上九折六期以上八折全年七折 (但逐期續登期數未經規定者不在此例) 插圖另議 以上各費一律大洋均須先惠不收郵票	正文後	封皮裏面	封皮底面
	六元	十元	十二元
	三元五角	六元	七元
	二元	三元	四元
	一元五角	二元	二元五角
			地位
			全面
			半面
			全面四分之一
			全面八分之一

# 本刊編輯部審查員

王世珍

紹蔭

許宗彝

從周

張少仙

品棟

劉廷文

王世鈐

冠華

李鴻儀

劉金詔

張振芝

張靜齋

侯繼志

趙少廷

潘春臺

國醫正言 (月刊) 第二十六期

中華民國二十五年七月一日出版

編輯主任

陳曾源

澤東

編輯

周偉

蘇甫

孫鳴山

沈肖卿

趙瑞升

齊志學

張蘭亭

發行者 天津市國醫研究會

會址 天津市東門內文學東箭道  
借用陳宅電話五局一六八九

印刷者 天津益世報館

## 本刊代售處

本埠 外埠


大胡同 江東書局  
北馬路 直隸書局  
法租界 天津書局

大通書局

武清 慶豐棧諸葛希武

上海 四馬路上海雜誌公司  
福州路三六號大公報代辦部

標



虎

◀ 坡 嘉 新 ▶

● 行 分 津 天 堂 安 永 標 虎 ●

號 九 牌 門 路 號 六 十 二 界 租 法  
三 三 一 四 三 話 電

八 卦 丹



是却除口臭除穢辟毒  
仕媛交際的仙丹！  
一各中西藥號廣貨莊紙烟雜貨舖均有代售二

是提神醒腦止咳化痰  
旅行必備的良伴！

萬 金 油



是春夏秋冬須臾莫離  
的平時衛生秘訣！

是內服外擦萬試萬靈  
的家庭常用妙藥！

二招請鄉村縣鎮代售處本行特備有詳章函索即寄二

清 快 水



是增進食慾消風導滯  
之不二方！

是清潔腸胃補助消化  
之唯一法！

頭 痛 粉



是降火疎風補腦活血  
之非常品！

是立止頭痛精神助氣  
之特效劑！